



AKCIJE SIPA privela četvoricu osumnjičenih za ratne zločine

Uhapšeni vinovnici terora u Janji, među njima i inspektor OSA-e

Postavlja se pitanje kako je Trišić prošao sigurnosne provjere prije nego što je postao inspektor



Policijska stanica u Janji: Policajci upamćeni po zlu

Pripadnici Agencije za istrage i zaštitu (SIPA) BiH jučer su u Bijeljini i Janji, a po nalogu tužioca iz Posebnog odjela za ratne zločine pri Tužilaštvu BiH, slobode lišili četiri osobe osumnjičene za ratne zločine počinjene u Janji. Pretresi su obavljani na dvije lokacije, a privedeni su tokom dana prebačeni u nadležnost tužioca, koji će donijeti odluku o pokretanju prijedloga za određivanje pritvora ili neke druge mjere.

Mučenje žrtava

Uhapšeni su Zoran Bogdanović, rođen 2. oktobra 1960. u Tuzli, nastanjen u Bijeljini,

Stanovništvo kao živi štit

Zbog progona, tortura i haosa stvarana je atmosfera stalnog straha za život i sigurnost bošnjačkog stanovništva, koje je bilo prinuđeno da napusti područje Janje, plaćanjem novčanih iznosa pripadnicima VRS za prelazak

u poslenik u institucijama Distrikta Brčko; Milan Đokić zvan Mićo, rođen 14. novembra 1950. u Čeliću, nastanjen u Bijeljini; Ljubiša Ikić, rođen 22. oktobra 1952. u Patkovači, nastanjen u Bijeljini i Branislav Trišić zvan "Brane", rođen 25. decembra 1961. u Bijeljini, nastanjen u Bijeljini, aktivni inspektor Obavještajno-sigurnosne agencije (OSA) BiH. Postavlja se pitanje kako je Trišić prošao sigurnosne provjere prije nego što je postao inspektor OS-e?

Prema saopćenju iz Tužilaštva BiH, njih četvorica osumnjičeni su da su od 1992. do 1994. godine, u

prema teritoriji pod kontrolom Armije RBiH ili prelazak u Srbiju.

Stanovništvo koje je ostalo u Janji odvođeno je na prinudne radove, u logor Batković ili su korišteni kao živi štit u borbama na Majevici.



Kuća Milana Đokića u Janji pretresena nakon njegovog hapšenja

svojevremenu pripadnika i zapovjednika MUP-a RS, Policijska stanica u Janji, učestvovali u sistematičnom napadu i aktivnostima usmjerenim protiv bošnjačkog stanovništva u Janji.

Raznesen mozak

Osumnjičeni su za nezakonita zatvaranja, pretrese i hapšenja civilnog bošnjačkog stanovništva na području Janje i okolice. Nezakonito privedene žrtve tom su prilikom mučene, zlostavljane i premlaćivane, nanošene su im teške ozlijede, tri su osobe zbog zlostavljanja smrtno stradale, a veći broj žrtava pretrpio je fizičke i psihičke ozlijede koje su ostavile trajne posljedice na njihovo zdravlje.

Kako „Dnevni avaz“ saznaje, Ljubiša Ikić bio je komandir Policijske stanice Janja na početku rata. Kasnije je na njegovom mjestu bio Zoran Bogdanović, a njegov zamjenik bio je Milan Đokić Mićo. Upravo je komandir Mićo, kako su ga

zvali, ostao po zlu upamćen u Janji, u kojoj je prije rata bio cijenjen policajac.

U januaru 1993. u Janji je zaklan bračni par Milkčić, Izo (1950.) i Suada (1958.). Bošnjaci su se okupili na ulici tražeći da prestane teror. Srpske izbjeglice također su se okupile i nastala je gužva. Umiješala se policija i počela tući i rastjerivati Bošnjake. Po mahalama je krenuo policijski kombi, iz kojeg su policajci pucali po kućama. Jedan metak pogodio je u glavu staru Đulzu Durgutović (1927.) i raznio joj mozak po sobi. Očevici kažu da je u kombiju bio i komandir Mićo Đokić, koji je ostao da živi u Janji i nakon rata, do danas. Pripadnici policije u Janji odveli su i Jusufa Terzića, koji je kasnije umro u bolnici. Supruga Rabija identificirala ga je po odjećici, jer je lice bilo unakaženo od batina i mučenja. Ista policija odvela je i Salku Ljeskoviću, koji je ubijen u logoru u Srbiji, te Mensura Ajetovića, čiji su posmrtni ostaci nađeni 2007. godine. **E.MUSLI**